



✓ ՆՈՐԻՆ ՍՐԲՈՒԹՅՈՒՆ ՊԱՎՂՈՍ Զ ՍՐԲԱԶԱՆ ՊԱՊԻ
ԾՆՈՐՀԱՎՈՐԱԿԱՆ ԳԻՐԸ ՀԱՅՈՑ ՀԱՅՐԱՊԵՏԻ
ԾՆՆԴՅԱՆ 60-ԱՄՅԱԿԻ ԱԴԹԻՎ

ԱՄԵՆԱՅՆ ՀԱՅՈՑ ԿԱԹՈՂԻԿՈՍ, ՆՈՐԻՆ ՍՐԲՈՒԹՅՈՒՆ
ՎԱԶԳԵՆ ԱՌԱՋԻՆԻՆ

Ծառ սիրելի եղբայր ի Քրիստոս,

Այն պահին, երբ Ձերդ Սրբությունը և եպիսկոպոսական դասի Ձեր եղբայրները հավաքվում են քննարկելու հայ եկեղեցու գործերը և ձեռնարկելու սրբալույս մյուտոնի օրհնության հանդիսավոր արարողությանը, Մենք ցանկանում ենք Ձերդ Սրբությանն արտահայտել Մեր արտագին բարեմաղթություններն ի Քրիստոս և հավաստիացնել Ձեզ, որ Մեր աղոթքի մեջ կհայցենք սուրբ Հոգուց, որպեսզի Իր կենարար շնորհներն առատապես սփռի այդ կարևոր հավաքույթի վրա: Մենք ևս շատ մոտ ենք զգում Մեզ բոլոր նրանց, ովքեր Ձերդ Սրբության հետ միասին նշելու են Ձեր վաթսուներորդ տարեդարձը, և մաղթում ենք, որ Տերը լցնի Ձեզ Իր օրհնություններով և Իր օգեկան ուժով:

Մենք ցանկանում ենք նույնպես, որ հայ եկեղեցու կյանքի այդ հանդիսավոր իրադարձություններին հոռմեական կաթողիկե եկեղեցու երկու ներկայացուցիչների մասնակցությունը՝ հանձնա քրիստոնյաների միության Մեր բարտողարության բարտողար գերապատիվ հայր Ժերոմ Համմերի և նույն բարտողարության փոխ-բարտողար գերապատիվ հայր Պիեռ Դյուպրեի, — հաստատուն մի նշան լինի Ձերդ Սրբության անձի նկատմամբ Մեր եղբայրական սիրո և հայ եկեղեցու նկատմամբ Մեր ունեցած հարգանքի: Հայ ժողովրդի ունեցած հավատքը Քրիստոսի հանդեպ եղել է ուժեղ ներշնչման, հավատարմության և եկեղեցու հայրերի ավանդությանը կապված մնալու մի աղբյուր՝ իր երկար պատմության վերիվայրումների ամբողջ ընթացքում:

Թող Աստված Իր մեծագործ սրբերի բարեխոսությամբ ուժեղացնի Իր սրբարար գործը այս ժողովրդի մեջ և օրհնի նրան եղբայրական սիրո՝ և միության պարգևով բոլոր նրանց հետ, ովքեր կրում են Փրկիչ Քրիստոսի անունը:

Հոգեպես ներկա լինելով ձեր մեջ, Մենք հույս ենք հայտնում, որ Տերը մի օր Մեզ մեծապես կուրախացնի անձնապես հանդիպելու Ձերո՛ր Սրբությանը, եթե առիթը ներկայանա Ձեզ ճանապարհվելու դեպի Հոռոմ:

Վերանորոգում ենք Ձերո՛ր Սրբության հանդեպ Մեր անկեղծ և եղբայրական սիրո զգացումներն ի Քրիստոս:

Պ Ա Պ Պ Ա Վ Ղ Ո Ս Զ

26 սեպտեմբերի 1969 թ.,

Վատիկան

